

Be tavés gīvenēms ein po velnē

Svēisk, je nuori, moni
Po šmuotieli
I petelnē –
Vèsē šmuotā tau dainious
Ē meilēs valsa šuoks!
Juk vēstēik be tavés
Vèskas ein po velnē,
Ē gīvenēms īr ni šiuoks, ni tuoks.

Ka jau būsio iškepts
Karštūs kiaulēs taukūs,
Dūma ont ognēis
Joudiausēm debesie paklīs.
Anus to užousi kartās sava plaukus,
Ka pavasarēs
Ont tavés lītos lis.

Vuožuojo, kap baisē
To gailiesis monēs:
Zelkuorē kas metā
Bjauriau tau malous...
Vèina karta apsikriuoksi,
Apkabinsi šoni,
Nes takieliu meilēs
Nieks tau nebnušlous...

Tarp senu skrabēniu atsirad petelnē,
Tava dūšie sena meilēs valsa šuoks, –
To soprasi, ka be monēs
Vèskas ein po velnē,
Ē gīvenēms
Īr ni šiuoks, ni tuoks...